

妙法蓮華經。五百弟子受
記品。第八
爾時富樓那彌多羅尼子。
從仏聞是。智慧方便。隨
宜說法。又聞授諸大弟子。
阿耨多羅三藐三菩提記。
復聞宿世。因緣之事。復
聞諸仏。有大自然。神通
之力。得未曾有。心淨踊
躍。即從座起。到於仏前。
頭面禮足。却住一面。瞻

仰尊顏。目不暫捨。而作是念。世尊甚奇特。所為希有。隨順世間。若干種性。以方便知見。而為說法。拔出衆生。处处貪著。我等於仏功德。言不能宣。唯仏世尊。能知我等。深心本願。爾時仏告諸比丘。汝等見是。富樓那彌多羅尼子不。我常稱其。於說法人中。最為第一。亦常

歎其。種種功德。精勤護持。助宣我法。能於四衆。示教利喜。具足解釈。仏之正法。而大饒益。同梵行者。自捨如來。無能尽其。言論之弁。汝等勿謂富樓那。但能護持。助宣我法。亦於過去。九十億諸仏所。護持助宣。仏之正法。於彼説法人中。亦最第一。又於諸仏。所説

空法。明了通達。得四無碍智。常能審諦。清淨說法。無有疑惑。具足菩薩神通之力。隨其壽命。常修梵行。彼仏世人。咸皆謂之。實是声聞。而富樓那。以斯方便。饒益無量。百千衆生。又化無量。阿僧祇人。令立阿耨多羅三藐三菩提。為淨仏土故。常作仏事。教化衆生。諸

比丘。富樓那亦於七仏。說法人中。而得第一。今於我所。說法人中。亦為第一。於賢劫中。當來諸仏。說法人中。亦復第一。而皆護持。助宣仏法。亦於未來。護持助宣。無量無辺。諸仏之法。教化饒益。無量衆生。令立阿耨多羅三藐三菩提。為淨仏土故。常勤精進。教化衆

生。漸漸具足。菩薩之道。
過無量阿僧祇劫。當於此
土。得阿耨多羅三藐三菩
提。号曰法明如來。忝供。
正徧知。明行足。善逝。
世間解。無上士。調御丈
夫。天人師。仙。世尊。
其仙以恒河沙等。三千大
千世界。為一仙土。七寶
為地。地平如掌。無有山
陵。溪澗溝壑。七寶臺觀。

充滿其中。諸天宮殿。近
處虛空。人天交接。兩得
相見。無諸惡道。亦無女
人。一切衆生。皆以化生。
無有姪欲。得大神通。身
出光明。飛行自在。志念
堅固。精進智慧。普皆金
色。三十二相。而自莊嚴。
其國衆生。常以二食。一
者法喜食。二者禪悅食。
有無量阿僧祇千萬億那由

佗。諸菩薩衆。得大神通。四無礙智。善能教化。衆生之類。其声聞衆。算數校計。所不能知。皆得具足。六通三明。及八解脫。其仏国土。有如是等。無量功德。莊嚴成就。劫名宝明。国名善淨。其仏壽命。無量阿僧祇劫。法住甚久。仏滅度後。起七宝塔。徧滿其国。爾時世尊。

欲重宣此義。而說偈言
諸比丘諦聽 仙子所行道
善學方便故 不可得思議
知衆樂小法 而畏於大智
是故諸菩薩 作聲聞緣覺
以無數方便 化諸衆生類
自說是聲聞 去仙道甚遠
度脫無量衆 皆悉得成就
雖小欲懈怠 漸當令作仙
內秘菩薩行 外現是聲聞
小欲猷生死 實自淨仙土

示衆有三毒 又現邪見相
我弟子如是 方便度衆生
若我具足說 種種現化事
衆生聞是者 心則懷疑惑
今此富樓那 於昔千億仏
勤修所行道 宣護諸仏法
為求無上慧 而於諸仏所
現居弟子上 多聞有智慧
所說無所畏 能令衆歡喜
未曾有疲倦 而以助仏事
已度大神通 具四無碍慧

知衆根利鈍 常說清淨法
演暢如是義 教諸千億衆
令住大乘法 而自淨仏土
未來亦供養 無量無數仏
護助宣正法 亦自淨仏土
常以諸方便 說法無所畏
度不可計衆 成就一切智
供養諸如來 護持法寶蔵
其後得成仏 号名曰法明
其国名善淨 七宝所合成
劫名為宝明 菩薩衆甚多

其數無量億
威德力具足
聲聞亦無數
得四無碍智
其國諸衆生
純一變化生
法喜禪悅食
無有諸女人
富樓那比丘
當得斯淨土
如是無量事

皆度大神通
充滿其國土
三明八解脫
以是等為僧
婬欲皆已斷
具相莊嚴身
更無余食想
亦無諸惡道
功德悉成滿
賢聖衆甚多
我今但略說

爾時千二百阿羅漢。心自在者。作是念。我等歡喜。得未曾有。若世尊各見授記。如余大弟子者。不亦快乎。仏知此等。心之所念。告摩訶迦葉。是千二百阿羅漢。我今當現前。次第與授。阿耨多羅三藐三菩提記。於此衆中。我大弟子。憍陳如比丘。當供養六萬二千億仏。然後

得成為仙。号曰普明如来。
忘供。正徧知。明行足。
善逝。世間解。無上士。
調御丈夫。天人師。仙。
世尊。其五百阿羅漢。優
楼頻螺迦葉。伽耶迦葉。
那提迦葉。迦留陀夷。優
陀夷。阿菟楼駄。離婆多。
劫賓那。薄拘羅。周陀莎
伽陀等。皆当得阿耨多羅
三藐三菩提。尽同一号。

名曰普明。爾時世尊。欲
重宣此義。而說偈言
憍陳如比丘 當見無量仏
過阿僧祇劫 乃成等正覺
常放大光明 具足諸神通
名聞徧十方 一切之所敬
常說無上道 故号为普明
其国土清淨 菩薩皆勇猛
咸昇妙樓閣 遊諸十方国
以無上供具 奉獻於諸仏
作是供養已 心懷大歡喜

須臾還本國 有如是神力
仙壽六萬劫 正法住倍壽
像法復倍是 法滅天人憂
其五百比丘 次第當作仙
同號曰普明 轉次而授記
我滅度之後 某甲常作仙
其所化世間 亦如我今日
國土之嚴淨 及諸神通力
菩薩聲聞眾 正法及像法
壽命劫多少 皆如上所說
迦葉汝已知 五百自在者

余諸声聞衆亦當復如是
其不在此會汝當為宣說
爾時五百阿羅漢於仏前
得受記已。歡喜踊躍。即
從座起。到於仏前。頭面
礼足。悔過自責。世尊。
我等常作是念。自謂已得。
究竟滅度。今乃知之如無
智者。所以者何。我等忘
得。如來智慧。而便自以。
小智為足。世尊。譬如有一

人。至親友家。醉酒而臥。
是時親友。官事當行。以
無價寶珠。繫其衣裏。與
之而去。其人醉臥。都不
覺知。起已遊行。到於佗
國。為衣食故。勤力求索。
甚大艱難。若少有所得。
便以為足。於後親友。會
遇見之。而作是言。咄哉
丈夫。何為衣食。乃至如
是。我昔欲令。汝得安樂。

五欲自恣。於某年日月。
以無價寶珠。繫汝衣裏。
今故現在。而汝不知。勤
苦憂惱。以求自活。甚為
痴也。汝今可以此寶。貿
易所須。常可如意。無所
乏短。仙亦如是。為菩薩
時。教化我等。令發一切
智心。而尋廢忘。不知不
覺。既得阿羅漢道。自謂
滅度。資生艱難。得少為

足。一切智願。猶在不失。
今者世尊。覺悟我等。作
如是言。諸比丘。汝等所
得。非究竟滅。我久令汝
等。種仙善根。以方便故。
示涅槃相。而汝謂為。實
得滅度。世尊。我今乃知。
實是菩薩。得授阿耨多羅
三藐三菩提記。以是因緣。
甚大歡喜。得未曾有。爾
時阿若憍陳如等。欲重宣

此義。而說偈言

我等聞無上安穩授記聲
歡喜未曾有禮無量智仏
今於世尊前自悔諸過咎
於無量仏宝得少涅槃分
如無智愚人便自以為足
譬如貧窮人往至親友家
其家甚大富具設諸肴膳
以無価宝珠繫著內衣裏
默与而捨去時臥不覺知
是人既已起遊行詣佗国

求衣食自濟 資生甚艱難
得少便為足 更不願好者
不覺內衣裏 有無佻宝珠
与珠之親友 後見此貧人
苦切責之已 示以所繫珠
貧人見此珠 其心大歡喜
富有諸財物 五欲而自恣
我等亦如是 世尊於長夜
常愍見教化 令種無上願
我等無智故 不覺亦不知
得少涅槃分 自足不求余

今仏覺悟我
得仏無上慧
我今從仏聞
及轉次受決

言非實滅度
爾乃為真滅
授記莊嚴事
身心徧歡喜